

Bimbang pemerintah campur tangan dalam pasaran hartanah privet

SEDANG sentimen keseluruhan dalam pasaran hartanah Singapura semakin baik pada suku ketiga tahun ini, kebimbangan kian meningkat tentang kemungkinan campur tangan pemerintah bagi hartanah rumah privet.

Demikian satu dapatan Indeks Sentimen Hartanah, yang diterbitkan oleh Hartanah Universiti Nasional Singapura (NUS+RE), yang mewakili Jabatan Hartanah dan Institut Hartanah dan Pengajian Bandar di universiti tersebut.

Tinjauan suku tahunan itu dilakukan ke atas sekitar 40 hingga 50 eksekutif kanan dalam sektor hartanah yang memantau pasaran dengan rapat.

Lebih ramai responden prihatin tentang campur tangan pemerintah untuk meredakan pasaran hartanah perumahan dalam masa enam bulan, dengan jumlahnya meningkat kepada 19.2 peratus pada suku ketiga, daripada 5.8 peratus pada suku kedua.